



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : TAI PO OLD MARKET PUBLIC SCHOOL

學校名稱 : 大埔旧墟公立学校

Name of Play 劇名 : 怪兽家长大战繁忙儿童

Script writer 劇作者 : 叶韵霞 (老师)

Synopsis 故事大纲 :

现今的小朋友已变成繁忙儿童，日日的行程排得密密麻麻，皆因社会对「未来栋梁」的要求甚高，父母们都希望子女赢在起跑线，希望子女十项全能，更有竞争力。可是，小朋友们的童年呢？是否只在学习中度过？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一幕：繁忙儿童的繁忙生活

《怪》曲

妈 1 阿女，起身食早餐啦！咪又系洋葱炒蛋，等佢食左聪聪明明呀嘛。

哗，你仲系张床度呀 BB ,快 D, 快 D, 快 D 起身！

(女瞓床上继续瞓)

女 得啦

妈 1 囡，你估我买左咩比你？无错呀，就系补充练习呀！

妈 1 (向空中抛奖状) (唱完)

女 得啦，得啦，得啦！(起身着衫梳洗)呀妈咪，今个星期六呢我想去……

妈 1 (边帮忙边念念有词) 呀！今日放学后 3:00 你要去湾仔上小提琴班，4:30 要去沙田上数学解难班，5:45 要出返尖沙咀学英文拼音呀，7:00 要学游水……仲有……

女 唔系呀妈咪，我想话今个星期六呢我想你地同我去野餐呀，吹下泡泡，放下风筝不知几开心呀！

妈 1 女呀，吹咩泡泡啫，吹牧童笛仲好啦！落返黎啊！仲有呀，放风筝边好玩啫，拉下小提琴好过啦。

女 点同呀？

妈 1 吹牧童笛吹泡泡都系吹啫！仲有呀，小提琴同风筝咪又系一样，有线既，拉下拉下拉下，拿拿拿(做动作)，系咪？

女 这样也行？(好嬲)救命呀！压力太大，要爆啦！（耍功夫后）呀~！

妈 1 哼！小儿科啦！拿！睇住黎啦！（耍功夫后）呀~！

祖母 你地系度做咩呀？

妈 1 无呀！我地做梗亲子活动咋嘛！呀！系啱够钟 tim，快 d 行啦！

祖母 家嫂！

妈 1 (发抖)咩事呀奶奶？

祖母 哎吔，家嫂，你唔好迫得佢咁紧啦，俾 d 空间佢啲下气先得架。

妈 1 无气啲？点会呀奶奶，上兴趣班都系玩之嘛，不知几开心呀。

女 咁好玩，一齐玩呀！（妈 1 作状打女）

妈 1 （语重心长地）再讲呀，我安排咁多野俾佢学，系为佢好架。

祖母 我知，但系……(扯住女)

妈 1 奶奶，而家个个都要赢在起跑线，(望表)，如果唔系我使咩成日用埋 D 平价护肤品化妆品咁，慳返 D 钱俾佢上堂呀！（扯住女）

祖母 我知，之但系……(扯住女)

妈 1 奶奶，而家既小朋友注定要系繁忙儿童架啦，个个都要赢在起跑线，(望表)拿，而家就黎输在起跑线啦下。(祖母无奈放手)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

女 死啦!

妈 1 咩呀?

女 妈咪，你又多左条皱纹 WOR

妈 1 衰女包，(追女打台左走)

(女回到学校课室)(课室内已有她的死党在谈天)

同学 A 喂，今日咁迟既?

女 唔好提啦!

同学 B 咁野餐嗰度问成点呀?

女 佢叫我吹牧童笛和拉小提琴啲!

同学 C 下?关咩事呀?你阿妈变态架?

同学 D 唉!唔好嬲，D 阿爸阿妈系咁架啦，成日话我地系咩未来社会栋梁啲，佢地都识讲啦，未来呀嘛，未来先算嘢，呵?

同学 A 啱听!成日话上兴趣班都系玩架咋嘛，点会无得玩，玩左啦!

同学 B 成日就系度(扮阿妈口吻)快 D 快 D 快 D 快 D 啦~~~~~!!!!

(众大笑到无气后)

女 你话如果可以俾佢地试下我地呢种讲唔出既无奈就好啦!唉!!

同学 C 咪再发梦啦……无可能架啦!

同学 D 生于呢个年代就注定要做繁忙儿童架啦!

女 唉，今晚 10 点你都唔使指意返到屋企呀!

众 仲要做功课啲!好眼瞓呀!

同学 C 仲唔快 D?快 D 快 D 快 D 呀!

同学 ABCD 你变左阿妈呀!救命呀! (同学 C 追同学,众台左出)

第二幕：还原靓靓水

(两母女回到家已是晚上)

妈 1 你快 D 换衫做功课呀下，我去落妆先。如果唔系呢今晚唔比电视你睇呀下!

女 下?从来都无得睇架啦!(妈背向观众坐在床上)

送货员 啊，睇下先，系呢度啦……寻宝网送货呀!

送货员 你睇下啱唔啱，啱就答名啦!

女 妈咪，你系寻宝网买既野送货黎啦!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(收货后一边睇一边行去沙发一边说)

女 哦，就系上次你叫我帮你揪掣落单嘅 D 咩营养饮品呀？

妈 1 (状甚兴奋敷住 mask 转身面向观众) 哎咗，送左黎啦？我支「还原靚靚水」呀！好有效架！

(妈 1 女定格)

(台左推销员及 Show Girl 出，作夸张介绍)

推销员 2 「还原靚靚水」是由高山泉水提炼，加入神仙花精华及 180 种维他命，饮用后可以令你的细胞有活力，回复青春美丽！

寻宝网用家 我以前都唔信架，原来一分钱唔只一分货架，我用完后，成个靚晒，年青左十年呀，家下我都五十七岁咯，系咪唔似呢！老公仲赞我识慳钱添。

寻网众 所以话「还原靚靚水」系你信心保证！

(推销员及用家台左走，妈女解定格)

女 寻宝网 D 野信唔过架。

妈 1 平呀嘛，慳返 D 钱比你去上兴趣班、补习班呀！唔同你讲啦，你都唔明阿妈既苦心既。你快 D 去做功课呀下，阿妈要一边饮「还原靚靚水」，一边敷返个 MASK 先。

女 (无奈开始做功课) (女因为太边慢慢瞓着左)

妈 2 (穿着 OVERSIZE 衣服出场，如旧叫阿囡起身返学) 哗，你系度瞓着左呀 BB ,快 D, 快 D, 快 D 起身！

女 (睡眼惺松+伸懒腰后->张开眼见到变细左既阿妈->目瞪口呆) 你系边个黎架？

妈 2 (状甚兴奋) 做咩呀？还原靚靚水真系咁有效？我后生左你唔认得阿妈呀？

女 (继续维持目瞪口呆，伸手递左块镜俾妈) (惊讶样) 下？点解咁架？呀，件衫咁大既？

女 (突然狂笑) 哦，我知啦，唔系你件衫大左，系你缩细左呀。都话左你寻宝网 D 野信唔过架啦，哈哈……

妈 2 仲笑，快 D 帮我睇说明书呀！

推销员 1,2 亲，多谢你选用我地既服务。

推销员 1 「还原靚靚水」是由高山泉水提炼……

妈女 快 D 讲重点！

推销员 2 加入神仙花既精华，饮用后可以令你的细胞有活力……

妈女 讲重点！

推销员 1 货品效果因人而异…….

妈女 (愤怒地) 而家你讲唔讲重点呀下？！

推销员 2 一般有效期为 24 小时……(边讲边向台左逃走)

妈 2 女 咁都无咁惊！

妈 2 死啦，今日星期六呀呵！

女 系呀，咁点呀？

妈 2 你够钟上兴趣班啦！咁而家咁，咁点呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

女 不如留系屋企啦！(偷笑)

妈2 (识破奸计) 唔得，比左钱架啦！……我照送你去！

女 下?!

妈2 行啦!

(妈扯女快跑)

(补习社场)(妈女索气到达)

阿 SIR 今日带埋阿妹黎呀？

女 (妈女打眼色) 系呀系呀，我阿妈今日去左打牌呀(妈暗中 MET 女,怒目而视，女忍痛)，所以无人睇住阿妹，我可唔可以带埋佢入去上堂呀。

阿 SIR 咁呀，好啦！一次咁多咋！快 D 入黎开始啦!

妈2 女 我要走先!

(妈女赶去芭蕾舞班)

舞众 快 D 啦!开始啦! (妈晕,舞走)

(再赶去跆拳道班)

跆拳道众 Riding stand ! (妈抽筋,踏走)

女 (喘气) 妈咪，快 D 啦，仲要赶去上英文班呀! (妈低头唔出声)

(喘气): 呀，同埋画班呀!

妈咪，快 D 快 D，快 D 啦!

妈2 够啦!!!! (女惊)(接着自言自语) 平时我坐系出面等阿囡上兴趣班，都唔觉咁辛苦架喎!

女 咩话?

妈2 无野啦!

女 咁快 D 行啦，赶住回家做功课呀!

妈2 抖阵先得唔得呀?(边偷偷做辛苦样)

(屋企场景)(妈女做功课中)(爸回家)

妈2 快 D 做功课呀!

爸 我返黎啦!

妈2 (习惯性地响应) 哦，返黎啦，雪柜有汤呀，自己叮返热啦!

爸 (爸妈对望) 你系……边个啊?

女 我同学呀！妈咪去左家长会呀!

爸 哦！家长会呀！Hi !我就系佢个靚仔老豆啦!

妈2 Hi ! (呕)

爸 喂，同学仔，叔叔最近呢打紧只 Game 好劲呀，噏你睇下!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

妈 2 (好恶) 成鬼日挂住打机呀你! 又唔帮手做家务!

(爸疑惑表情, 妈惊穿煲样, 女帮忙辩驳)

女 佢意思系赞你打得叻呀!

爸 哦, 而家 d 后生女表达方法咁奇怪既, 唉, 算啦, 讲返我只 Game 先, 拿, 佢就叫「赢在起跑线」, 拣个 BB 角色就可以比赛架啦, 玩家就要从小培养佢成才……

爸 (旁述) 一出闸既时候……呀! 唔系, 系一出世既时候, BB 就要快速成长啦, 未学行就要学识揸书包, 你睇佢地个个几咁精灵醒目呀, 升 le 啦升 le 啦!! 佢地跑呀跑呀, 谷左 d 成长因子出黎, 哗! 打波跳舞琴棋书画样样识呀! 嗶嗶嗶最紧张既时刻到啦, 究竟 3 只马仔……呀唔系, 系 3 个人仔系龙系凤定系虫呢? 啊! 冲线啦! 奖牌多到阿妈 d face 返晒黎呀! 所以话呢, 赢在起跑线系几咁重要呢!

女 咩你个 GAME 咁变态架, 搞到我地呢 D 小朋友无晒童年……

爸 咩呀, 你阿妈都系咁帮个女铺路架啦! 而家个个家长都系咁架啦, 同学仔, 你阿妈唔系咁架咩?

妈 2 我阿妈唔系咁架, 我做左人阿妈先变成咁咋。

爸 下……唔玩住啦, 好拗呀, 瞓阵先。女, 快 D 做埋 D 功课补充呀下!

(妈边摸女头)

女 知啦!

妈 2 记得你出世时, 我只希望你可以健康、快乐, 我已经好满足。

妈 1 阿女, 对不起! (抱紧女痛哭)

女 妈咪, 你无事啦?

祖母 家嫂, 人生唔系一场 100 米短跑, 而系马拉松, 要开心, 要跑得舒服, 先有坚持下去的动力。唔使急于赢在起跑线架!

妈 1 点解……点解……我会变左怪兽自己都唔知, 你做几多野学几多野都好似唔够咁……搅到你无晒童年, 我……我……我……呢个妈咪真系……

女 妈咪, 你唔好喊啦, 其实, 我都知你系为我好, 我又唔系唔想上兴趣班既, 只系, 我都好想有返玩既时间, 不过唔系上兴趣班等如玩嗰种, 系可以好自由自在嗰种玩呀, 你明唔明呀?

妈 1 我明, 我真系明。女, 不如甘呀, 今个星期六我同你去野餐、吹泡泡、放风筝, 好无?

女 好野!

爸 野餐? 好呀好呀!

女 好! 好过你成日打机呀!

(妈女边讨论野餐食咩边向台左走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三幕：又嚟？

爸 好口渴呀！老婆，有无野饮呀？

妈 1 枱面咪有嘢！

爸 可乐？咁肥！咖啡？饮左今晚瞓唔着。还原靚靚水？咩黎架，梗系老婆又系寻宝网买埋晒D唔等使野，哼！哇晒D钱，知唔知我做野咁辛苦赚得鸡碎咁多，唉！

妈 1 咩咁钱话？

爸 无野无野！我自己讲野啫！.....唔系啫，试下都好啫！

妈女 （冲出）唔好饮呀！

—全剧完—